

PRAVILNIK O IZDAVANJU LICENCI ŠKOLAMA SKIJANJA

OPŠTE ODREDBE

Član 1.

Ovim pravilnikom se uređuje način stručnog organizovanja djelatnosti podučavanja skijanja i snowboarda (u daljem tekstu skijanja), kao i kriterijumi koji se moraju ispuniti da bi se dobilo odobrenje za rad.

Član 2.

Usluge podučavanja skijanja može da pruža pravno lice ili poduzetnik (u daljem tekstu: škola skijanja) koja je registrovana u ATUS-u BiH.

Član 3.

Licence školama skijanja izdaje ATUS BiH, ukoliko škole skijanja ispunjavaju uslove iz ovog pravilnika.

ANGAŽOVANJE LICA

Član 4.

Ski škola, u cilju obavljanja djelatnosti podučavanja skijanja, mora angažovati odgovarajuće stručne radnike, u skladu sa važećim propisima iz oblasti sporta, turizma i zapošljavanja, pravilima ATUS-a BiH, i međunarodnih organizacija (IVSI, ISIA, IVSS).

Član 5.

Ski škola zapošljava sljedeće sportske stručnjake:

- Učitelje skijanja
- Direktora ski škole

UČITELJI SKIJANJA

Član 6.

Učitelji skijanja su lica angažovana od strane ski škole za neposredno podučavanje.

Neposrednim podučavanjem može da se bavi samo učitelj skijanja sa važećom licencom za tekuću ski sezonu, izdanom od strane ATUS-a BiH.

DIREKTOR SKI ŠKOLE

Član 7.

Ski škola mora angažovati i imenovati direktora ski škole. Direktor ski škole je lice koje je pred ATUS-om BiH odgovorno za poštovanje ovog i ostalih pravilnika i propisa ATUS-a BiH, kao i ugovora kojima je ATUS BiH vezan za druge organizacije. Direktor ski škole mora imati važeću licencu Učitelja skijanja III stepena (ISIA) za tekuću ski sezonu izdanu od strane ATUS-a BiH.

STRUČNI RAD

Član 8.

Prilikom obavljanja neposrednog podučavanja učitelji se moraju striktno pridržavati svih pravilnika ATUS-a BiH. Učitelji skijanja moraju u svom radu primjenjivati opća pedagoška i didaktička pravila, kao i zvaničnu metodiku ATUS-a BiH.

Član 9.

Učitelj skijanja mora za vrijeme podučavanja da nosi oznake i odjeću koja ga jasno identifikuje kao lice koje podučava skijanje. Učitelj skijanja može da se bavi samo onom vrstom podučavanja i one grupe polaznika koja odgovara tipu licence koju posjeduje.

Član 10.

Obuka početnika (početni kurs skijanja) može se obavljati samo na posebno uređenim, izdvojenim i označenim stazama ili padinama pogodnim za skijanje za koje ski škola mora imati odobrenje za korištenje.

DODATNI KRITERIJUMI

Član 11.

Ski škola mora ponuditi angažovanim učiteljima posebno profesionalno osiguranje. Ski škola mora angažovanim učiteljima učiniti dostupnom lječarsku njegu. Ski škola na skijalištu mora imati poslovnu prostoriju, kao i odgovarajuće mjesto za okupljanje polaznika.

EVIDENCIJE

Član 12.

U cilju praćenja i unapređenja stručnog rada i skijaškog sporta, ski škola je dužna da vodi evidenciju o svojim polaznicima. Evidencija se vodi o uzrastu polaznika, nivou obuke (skijaškom znanju), brzini napredovanja (provjera svrsishodnosti aktuelne metodike ATUS-a BiH), da li nastavljaju sa obukom (povratak u ski škole), zainteresovanost za aktivnije bavljenje skijaškim sportom (ski klubovi).

NADZOR NAD STRUČNIM RADOM

Član 13.

U cilju praćenja ispunjenosti zahtjeva ovog pravilnika i drugih važećih propisa ATUS-a BiH, ski škola je obavezna da u toku svog rada (u toku ski sezone, i van nje), odgovornom licu ATUS-a BiH omogući nadzor nad stručnim radom, evidencijama i ostalim stvarima iz nadležnosti ATUS-a BiH.

Član 14.

U slučaju nepravilnosti u radu ski škole (kršenju odredbi ovog i drugih pravilnika ATUS-a BiH) protiv odgovornog lica će se pokrenuti postupak pred Izvršnim odborom ATUS-a BiH.

Usvojeno na zasjedanju Konferencije ATUS-a BiH 17.decembra 2006. godine.